



ONS NUUSBRIEF

GEREFORMEERDE KERK BLOEMFONTEIN-NOORD

15 MAART 2026

Nr 11

Predikant:	<i>Ds Kobus Botha</i>	Skriba/	<i>Pieter du Plessis</i>
	051 436 2930/082 410 7447	Koster:	082 570 1804
Orrelis:	<i>Louri Coetzee</i>	Kerkkantoor:	Telefoonnommer: 051 436 2932
	083 776 6989	Kantoorure:	Per afspraak
Diakonie:	<i>Voorsitter: Muller Heyns</i>	Posadres:	Posbus 28182, DANHOF 9310
	072 469 7778	E-posadres	kantoor@gkbfnnoord.co.za
Susters:	<i>Voorsitter: Ester Botha</i>	Webwerf:	www.gkbfnnoord.co.za
	072 784 9451	Facebook:	https://web.facebook.com/gkbfnnoord
Katkisasie:	<i>Karien van Rooyen</i>	Kassier:	<i>Mariza Mosca</i>
	079 888 8910		082 405 8565
Lesotho Uitreik/ Kerkkantoor		Bank Kerk:	ABSA (632005) Tjekrekeningno 1570 340 065
Evangelisasie:	082 570 1804	Bank Diakonie:	ABSA (632005) Tjekrekeningno 0470 280 026
		Zapper-kode vir kerklike bydraes:	



VERJAARSDAE

Die volgende lidmate verjaar gedurende hierdie week. Baie hartlik geluk! Ontvang ons allerbeste seënwenne vir die nuwe lewensjaar!

17 Mrt: Br Jurie Geldenhuys Jnr	065 943 4066	18 Mrt: Ryan van der Walt	082 411 4445
17 Mrt: Sr Rineke van der Boon	Geen no	21 Mrt: Br Marco Mason	076 339 1775
18 Mrt: Karli van Niekerk	082 796 7196		

DIE SAKRAMENT VAN DIE HEILIGE NAGMAAL

Die Sakrament van die Heilige Nagmaal word hierdie Sondag gevier. Lidmate van ander Kerke wat by die Kerkraad aansoek gedoen het om hier Nagmaal te gebruik, het die nodige toestemming en word saam met die gemeente hartlik daartoe uitgenooi. Ons bede is dat die Here vir ons as gemeente en elke lidmaat afsonderlik, ryklik sal seën en dat ons daarmee, tesame met die Woord-bediening, in ons geloof versterk

mag word. Laat ons nie daaraan twyfel nie dat ons lewe net so werklik, deur die werking van die Heilige Gees, met sy liggaam en bloed gevoed word as wat ons die brood en wyn tot Sy gedagtenis ontvang. Ons noem weer dat daar naas die wyn ook druiwesap bedien word. Daar is ses kelkies met druiwesap op elke skinkbord teenaan die handvatsel geplaas en gemerk.

LITURGIE TYDENS NAGMAALSDIENS

Ons gee graag die volledige besonderhede van die verloop van die erediens, aangesien dit afwyk van die normale omdat die Nagmaalsformulier ineengewee word met die res van die liturgiese orde om sodoende 'n treffende eenheid te vorm.

- Votum en seëngroet
- Lofsang: **Lb 190:1,2,3**
- Daarna, terwyl ons staan:
Nagmaalsformulier:
Instellingswoorde,
gevolg deur
- Geloofsbelydenis van Nicea
- Nagmaalsformulier:
Selfondersoek
- Sing: **Sb 5-4:1,2**
- Nagmaalsformulier:
- Gedagtenis
- Gebed
- Sing: **Ps 118:12,14**
- Skriflesing: **Luk 15:11-32**
- Teksvers: **Luk 15:28-30**
- Preek
- Nagmaalsformulier: Gebed
- Sing **Ps 23:3** sittende
- Nagmaalsformulier:
Hartsverheffing
- **Nagmaalbediening**
- Sing: **Sb 17-3:1,2**
- Nagmaalsformulier:
Lofverheffing
- Dankgebed
- Offergawes
- Slotsang: **Lb 510:1,2,3,4**
- Wegstuurseën

GESAMENTLIKE GEMEENTE-ETE

Na Sondag se Nagmaalsdiens vind die gebruikelike en baie aangename Gemeente-ete om 11:30 in die *Wikus Vorster Saal* plaas. Elkeen wat die ete wil bywoon, moet asseblief hulle eie eetgerei en drinkgoed saambring. Die koste daaraan verbonde beloop R60 vir

volwasse en hoërskooljeug en R40 vir laerskoolkinders. Die geld kan in die kassie gemerk "*Susters-bydrae*" geplaas word of tydens die ete betaal word. Ons bedank graag die **Sustersbestuur** wat verantwoordelik is vir die voorbereiding van die kos.

Lidmate wat die ete gaan bywoon, se aandag word daarop gevestig dat die YOCO-betaalmasjien nie hierdie Sondag beskikbaar is nie. Indien u tydens die ete wil betaal, word u versoek om asseblief kontant saam te bring.

KOLLEKTES

Die kollekte onder die erediens word soos gewoonlik opgeneem vir die Diakonie se **Kas van Barmhartigheid** terwyl die deurkollekte bestem is vir **Bybelverspreiding**.

GEMEENTEBOU

Gemeentebou bestaan nie net uit woordverkondiging nie. Daar is baie aspekte van gemeentebou. Boustene is onder andere ¹gemeenskap van gelowiges en ²diens aan mekaar. Daar is bestaande aksies en nuwe aksies in ons gemeente wat ons graag onder u aandag wil bring.

Gemeentebou aksies:

1. *Ekstra Wiskunde klasse : Geert Mosca – 082 826 3378*
 - a. Enige kind in ons gemeente is welkom om gratis wiskunde klas te neem op Vrydae – kontak gerus vir Geert om 'n afspraak te maak.
2. *Gemeenskap projek - Beudene (gestremdes):*
Nerina Venter – 082 884 4465
 - a. Woordverkondiging en gewyde sang op Donderdae.
3. *Gemeenskapsprojek - Sewe Damme (bejaardes):*
Nerina Venter – 082 884 4465
 - a. Besoek bejaardes, speel speletjies en spandeer tyd saam met die mense.
4. *Koor : Louri Coetzee – 083 776 6989*
 - a. Die doel van die koor is om God te loof en prys met sang.
6. *Klank & Beeld : Francois Venter – 082 229 4411*
 - a. Vir baie jare doen Francois getrou die klank en beeld in die kerk.
 - b. Daar is geleentheid om 'n bydrae te maak en hom te help met die taak. Enige persoon wat graag sal wil help kan vir Francois kontak.

Laat weet asseblief vir oudl Erik van Driel by 083 287 1047 indien iemand reeds met aktiwiteite besig is of met iets nuuts wil begin of graag wil inskakel en 'n bydrae wil lewer. Saam bou ons aan die koninkryk van God.

Pitkos:

Jesaja 45 vers 22: Kom na my toe dat julle gered kan word, almal op aarde, want Ek is God, daar is geen ander nie.

God nooi almal na Hom om gered te word. Die wat die uitnodiging aanvaar sal verlossing ervaar. Net Hy kan die toekoms beheer en bepaal. Verder word bevestig, daar is net een God, geen ander – ons kan net Hom volg en net aan Hom getrou wees.

INSAMELING VAN PLASTIEK PROPPIES

Sr Machteld du Plessis is die koördineerder van hierdie projek wat ten doel het om fondse in te

samel vir *Lettie Fouché Skool*. Vir enige navrae kan sr Machteld by 073 251 9286 gekontak word.

ONS DINK AAN...

- **Sr Magda Brummer** van Sewe Damme Aftree-Oord wat 'n suksesvolle skouervervangingsoperasie in Mediclinic ondergaan het en tuis aansterk. Ons bid haar en **br Wim** die nabyheid van die Here toe en vertrou dat sy spoedig sal herstel!
- **Sr Bessie Labuschagné** van Engelbrechtlaan 3 wat mediese toetse ondergaan het. Ons wens haar alle sterkte toe!

LIDMAATREGISTER

Opgeneem in die gemeenskap van die Gereformeerde Kerke vanuit die NG Kerk: **Br Gouws Roode** en eggenote **sr Elza** en dooplidmaat, **Elsjé**.

Hierdie gesin is woonagtig te James Buchananstraat 6 en ons heet hulle van harte welkom in ons gemeente!

DIAKONIE HELP MET VERVOER

Vir enige kerk-verwante geleenthede en indien jy hulp benodig.



Indien jy enige probleme met vervoer ervaar, kontak asb Muller Heyns op 072 469 7778.

KLERE DONASIES

Enige donasies word verwelkom en kan Sondag by die kerk se voorportaal afgelaai word.



BLOEMFONTEIN NOORD GEREFORMEERDE KERK DIAKONIE
IN SAMEWERKING MET ANCHOR OF HOPE

Enige navrae:
Elize Heyns 082 868 1620

GEDAGTE VIR DIE WEEK

Christus was sonder sondes,
maar God het Hom in ons plek
as sondaar behandel sodat ons,
deur ons eenhed met Christus,
deur God vrygesprek kan wees.
2 Korintiërs 5:21



Hulpentrum



As jy lees, kan jy begin droom. As jy droom van 'n beter lewe, kan jy dit bereik. Help ons om kinders se lewe beter te maak.

Skenk asseblief ou of nuwe kinderboeke vir Kareefontein Primêr in Venterstad se nuwe biblioteek.

Dankie dat u omgee. Nerina 082 884 4465



Hulpentrum
Winkel



DIE Hulpentrum Winkel in Venterstad verkoop u skenkings ten bate van die 2 Sopkombuise waar 400 kinders daaglik kos kry. Daar is 'n groot behoefte aan HUISWARE, GORDYNE, LAKENS en KINDERKLERE.

**Ons waardeer elke bydrae. Baie dankie dat u omgee.
0723909019**



MERK ASSEBLIEF U SKENKING: VENTERSTAD.

Geldelike bydraes kan deur middel van die volgende skakel inbetaal word:
<https://pay.yoco.com/gkv-hulpentrum>



24-27 APRIL ZORGVLIET
(TWEELING)

STUDENTE EN JONGWERKENDES RIVIERTOER 2026

- Roei
- Stap
- Kuier
- Geloofsgroei

R600 p.p
Etes ingesluit:
2 aand etes en
1 middagete

Skryf hier in:
Riviertoeer 2026 inskryfskakel

<https://forms.gle/vYe33tgCNbjA1ekc6>

MOOTLITE 2026

GELOOF
is 'n
WERKWOORD

28 Junie – 3 Julie

Graad 5-9 | R 1 200pp
Thaba Morula Kampterrein





Inskrywingsvorm:
<https://forms.gle/1G9gdSGTghUUrGFZ8>



mootlitekamp@gmail.com
ds Lohan Linde (084 787 5119)
ds Hardus Lee (082 992 9822)

MOOTLITE – LITE DIE VUUR



Inhoud

Maart 2026

JAARGANG 126, NO. 3408,
MAART 2026

Letaba-ruskamp onder water.
(Foto: Willie Aucamp)



- | | |
|---|---|
| <p>1 Van die redakteur: Bek-en-klou en die groot nogtans</p> <p>2 Uit die Woord: Die skepping sug: Romeine 8:22</p> <p>4 Die gelowige se roeping te midde van 'n krisis</p> <p>6 Hoe hanteer ek beproewing in my lewe?</p> <p>7 'n Oproep word 'n wekroep!</p> <p>8 Griet se storie: Die Slag van Tweebosch se sagte kant</p> <p>10 Trump teen Europa – Wat moet die kerk daarvan maak?</p> <p>13 <i>Die Kerkblad</i> kuier by ... Philippus Jacobus Buys</p> <p>16 Vissers van mense</p> <p>18 Ons besoek aan Suid-Soedan</p> <p>20 Lewende water en eerlike getuienis</p> <p>22 Geloof in Christus is liefde wat in daade oorgaan</p> | <p>24 Prof. HG Stoker (sr): Uitbouer van Christelike filosofie</p> <p>26 Eers dit: Genetiese manipulasie</p> <p>28 Twee paaie in die lewe: 'n Keuse met goeie of slegte gevolge</p> <p>30 Die Boerestryders van die Argentynse Pampas</p> <p>36 Kleinadvertensies</p> <p>Korter nuusbrokkies deur die blad versprei</p> |
|---|---|

REDAKSIEKOMMISSIE

REDAKTEUR: Ds. C Aucamp
KOPIEREDAKTEUR: Mev. J Fourie
ADDISIONELE LEDE: Mev. V de Kock, mev. G Swancoel, JG Noëth, prof. DF Muller, ds. GP Meijer, prof. IW Ferreira

EUROPESE KORRESPONDENT: Dr. VE d'Assonville

Adresbesonderhede:

- Die Redakteur, Die Kerkblad; e-posadres: anberg@absamail.co.za; sel. 082 377 1112
- Kopieredakteur, Die Kerkblad; e-posadres: kerkblad@gksa.co.za; tel. 018 297 3986
- Navrae in verband met rekenings, adresveranderings, intekening: Angie, 018 297 3986; tydskrifte@gksa.co.za
- Intekengeld (Admin Buro, by ABSA rek. 670140040)

Gedrukte weergawe sonder koerierkoste	R390 per jaar
Gedrukte weergawe in groep gekoerier	R590 per jaar
Elektroniese weergawe	R165 per jaar
Waar posadres nog verkies word	R590 per jaar

Nuwe of hernude intekening kan geskied deur die bewys van betaling saam met u naam, telefoonnommer, e-pos en fisiese adres te stuur aan tydskrifte@gksa.co.za. Intekening moet skriftelik gekanselleer word

DRUKKERS: V&R Drukkery, tel. 012 333 2462



EIENAARS EN UITGEWERS

Deputate Kerklike Tydskrifte van die Gereformeerde Kerke in Suid-Afrika, Posbus 20008, Noordbrug 2522.

Menings uitgespreek in artikels verteenwoordig nie noodwendig dié van die Redaksiekommissie nie. Tensy anders vermeld, word die hoofartikels deur die redakteur geskryf. Die Redaksie behou hom die reg van plasing van bydraes, asook die redigering, verkorting, parafrasering of uitbreiding van bydraes voor.

KI & GELOWIGE

**Wat is moontlikhede, gevare
en etiese grense**



Maandag 16 Maart



18:00 Webinaar



**WhatsApp vir webinaar skakel:
Ds Jan van der Walt [0829626689]
Ds Marcel Floor [082 828 5811]**